

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), a u vezi sa članom 69. tačka 55. i članom 82. stav (1) Zakona o izvršenju Budžeta Tuzlanskog kantona za 2023. godinu („Službene novine Tuzlanskog kantona“, br. 22/22 i 3/23), Vlada Tuzlanskog kantona, na sjednici održanoj dana 18.05.2023. godine, d o n o s i

O D L U K U

o utvrđivanju uslova, kriterija i postupka za raspodjelu sredstava sa potrošačke jedinice 32010002 – Tjelesna kultura i sport za 2023. godinu

Član 1.

(Predmet)

- (1) Ovom odlukom utvrđuju se uslovi, kriteriji i postupak raspodjele sredstava Budžeta Tuzlanskog kantona za 2023. godinu sa potrošačke jedinice 32010002 - „Tjelesna kultura i sport“ (u daljem tekstu: Sredstva) u iznosu od 1.874.000,00 KM.
- (2) Sredstva su utvrđena u razdjelu 32 Budžeta Tuzlanskog kantona za 2023. godinu, glava 01, potrošačko mjesto 0002 - Tjelesna kultura i sport na ekonomskim kodovima:
 - a) 613900 - Ugovorene i druge posebne usluge u iznosu od 25.000,00 KM,
 - b) 614200 - Tekući transferi pojedincima u iznosu od 110.000,00 KM,
 - c) 614300 - Tekući transferi neprofitnim organizacijama u iznosu od 860.000,00 KM,
 - d) 614400 - Subvencije javnim preduzećima u iznosu od 100.000,00 KM,
 - e) 615100 – Kapitalni transferi drugim nivoima vlasti i fondovima u iznosu od 409.000,00 KM,
 - f) 615300 – Kapitalni transferi neprofitnim organizacijama u iznosu od 200.000,00 KM,
 - g) 615400 – Kapitalni transferi javnim preduzećima u iznosu od 150.000,00 KM,
 - h) 821500 - Nabavka stalnih sredstava u obliku prava u iznosu od 20.000,00 KM.

Član 2.

(Dodjela sredstava)

- (1) Sredstva iz člana 1. stav (2) tačka a) ove Odluke dodjeljuju se dobavljačima koji će pružati ugovorene i druge posebne usluge u postupku javne nabavke koje provodi Ministarstvo za kulturu, sport i mlade Tuzlanskog kantona (u daljem tekstu: Ministarstvo) i članovima Savjeta za sport u skladu sa rješenjem ministra za kulturu, sport i mlade.
- (2) Sredstva iz člana 1. stav (2) tačka b) ove Odluke se dodjeljuju u skladu sa kriterijima za dodjelu nagrade i stipendije u sportu Tuzlanskog kantona u skladu sa članom 85. Zakona o sportu - prečišćeni tekst („Službene novine Tuzlanskog kantona“, broj: 11/21) u daljem tekstu: Zakon o sportu).
- (3) Sredstva iz člana 1. stav (2) tačka c) ove Odluke, dodjeljuju se sljedećim sportskim organizacijama:
 - a) sportski klubovi (amaterski i profesionalni),
 - b) sportska društva,
 - c) školska sportska društva grada/općine,
 - d) kantonalni i gradski/općinski sportski/granski savezi,
 - e) udruženja stručnih osoba osposobljenih za rad u sportu,
 - f) udruženja sportske rekreacije,
 - g) javne ustanove koje pružaju usluge korištenja objekata na ime trenažnog procesa,
 - h) sportski klubovi lica sa invaliditetom (amaterski i profesionalni),
 - i) sportska društva lica sa invaliditetom,
 - j) kantonalni i gradski/općinski sportski/granski savezi lica sa invaliditetom,
 - k) i druga udruženja koja se prema svojim registrovanim djelatnostima bave sportom.

- (4) Sredstva iz člana 1. stav (2) tačka d) se dodjeljuju se javnim preduzećima za proizvodnju, promet i usluge u oblasti sporta osnovanim u skladu sa Zakonom o javnim preduzećima.
- (5) Sredstva iz člana 1. stav (2) tačke e), f) i g) dodjeljuju se jedinicama lokalne samouprave sa područja Tuzlanskog kantona, javnim ustanovama i javnim preduzećima u oblasti sporta, sportskim klubovima i sportskim klubovima osoba sa invaliditetom, pri čemu prioritet u dodjeli sredstava imaju projekti koji se odnose na sportske objekte u javnom vlasništvu.
- (6) Sredstva iz člana 1. stav (2) tačka h) dodjeljuju se dobavljačima po postupku javne nabavke koje provodi Ministarstvo.
- (7) Sredstva iz člana 1. stav (2) tačka c) ove Odluke mogu se dodijeliti i Školskom sportskom savezu Tuzlanskog kantona za sufinansiranje organizacije školskih takmičenja u skladu sa članom 43. Zakona o sportu.

Član 3.

(Programi/projekti koji se ne sufinansiraju)

- (1) Pravo na dodjelu sredstava ne mogu ostvariti sportske organizacije iz člana 2. stav (3) i (4) koje su kandidovale projekte/programe koji su usmjereni:
 - a) na promociju programa političkih partija,
 - b) za ostvarivanje vjerskih ciljeva,
 - c) na realizaciju programa/projekata budžetskih korisnika,
 - d) na finansiranje plaća i drugih izdataka zaposlenika u pravnom licu, izuzev dijela troškova za stručne osobe osposobljene za rad u sportu koji se dodjeljuju sportskim organizacijama za projekte/programe iz člana 4. stav (3), tačka a) alineje 1), 2), 3) i 4), a koji imaju zasnovan radni odnos u skladu sa Zakonom o radu (maksimalan iznos troškova koji će se sufinansirati za stručne osobe je 30% ukupnih godišnjih troškova),
 - e) na realizaciju programa/projekta drugih sportskih organizacija,
 - f) isključivo na investiciona ulaganja, izgradnju i adaptaciju objekata, kupovinu opreme ili slično, izuzev dijela troškova za kupovinu sportske opreme koji će se sufinansirati u iznosu do 50% iznosa ukupnih troškova iz projekta/programa za namjene iz člana 4., stav (3), tačka a), alineje 1), 2), 3), 4) i 5),
 - g) na sportske organizacije koje nisu opravdali ranije dodjeljena sredstva od Ministarstva.
- (2) Pravo na dodjelu sredstava ne mogu ostvariti korisnici iz člana 2. stav (5) koji su kandidovali projekte koji su usmjereni:
 - a) na promociju programa političkih partija,
 - b) za ostvarivanje vjerskih ciljeva,
 - c) na realizaciju projekata budžetskih korisnika koji se finansiraju iz Budžeta Tuzlanskog kantona,
 - d) na korisnike koji nisu opravdali ranije dodjeljena sredstva u skladu sa ranije potpisanim ugovorima sa Ministarstvom.

Član 4.

(Namjena Sredstava)

- (1) Sredstva iz člana 2. stav (1) ove Odluke namijenjena su za:
 - a) pripremu TV emisija o sportu, izradu brošura i drugih informativnih letaka o sportu, za organizaciju stručnih skupova, okruglih stolova, edukacija i drugih događaja vezanih za sport na području Tuzlanskog kantona,
 - b) održavanje softvera – elektronske verzije registra pravnih i registra fizičkih lica u oblasti sporta vođen računarskom tehnikom,
 - c) sredstva za rad Savjeta za sport u skladu sa članom 16. Zakona o sportu.

- (2) Sredstva iz člana 2. stav (2) ove Odluke namijenjena su za dodjelu nagrada i stipendija za sport sportistima i učenicima sa područja Tuzlanskog kantona u skladu sa članom 85. Zakona o sportu.
- (3) Sredstva iz člana 2. stav (3) ove Odluke se dodjeljuju:
- a) Sportskim organizacijama iz člana 2. stav (3) za sljedeće namjene:
 - 1) sufinansiranje vrhunskog sporta,
 - 2) sufinansiranje kvalitetnog sporta,
 - 3) sufinansiranje omladinskih uzrasnih kategorija,
 - 4) sufinansiranje sporta lica sa invaliditetom,
 - 5) sufinansiranje projekata za sport za sve,
 - 6) sufinansiranje organizacija sportskih manifestacija,
 - 7) sufinansiranje obavljanja sportske djelatnosti granskih sportskih saveza Tuzlanskog Kantona,
 - 8) sufinansiranje pružanja usluga korištenja objekata na ime trenažnog procesa u oblasti sporta.
 - b) Sportskom savezu Tuzlanskog kantona, Sportskom savezu osoba sa invaliditetom Tuzlanskog kantona i Školskom sportskom savezu Tuzlanskog kantona za sljedeće namjene:
 - 1) Sufinansiranje stručnih poslova Sportskog saveza Tuzlanskog kantona iz člana 29. stav (1) i (2) Zakona o sportu, po posebnim odlukama Ministarstva,
 - 2) Sufinansiranje poslova Sportskog saveza osoba sa invaliditetom Tuzlanskog kantona iz člana 37. stav (1) i (2) Zakona o sportu, po posebnim odlukama Ministarstva,
 - 3) Sufinansiranje Školskom sportskom savezu Tuzlanskog kantona organizacije školskih takmičenja u skladu sa članom 43. Zakona o sportu, po posebnim odlukama Ministarstva.
 - c) Sportskim organizacijama za sufinansiranje projekata iz oblasti sporta kojima se sredstva odobravaju posebnim odlukama Ministarstva uz prethodno podnesen zahtjev sportske organizacije sa detaljnim opisom projekta. Posebnim odlukama dodjeljivati će se i sredstva nadležnim granskim savezima za sufinansiranje priprema i takmičenja sportista sa područja Tuzlanskog kantona koji su po svojim rezultatima postali članovi državne selekcije Bosne i Hercegovine.
- (4) Sredstva iz člana 2. stav (4) ove Odluke namijenjena su javnim preduzećima koje pružaju usluge korištenja objekata na ime trenažnog procesa u oblasti sporta.
- (5) Sredstva iz člana 2. stav (5) ove Odluke dodjeljivati će se jedinicama lokalne samouprave sa područja Tuzlanskog kantona, javnim ustanovama i javnim preduzećima u oblasti sporta, sportskim klubovima i sportskim klubovima osoba sa invaliditetom za namjene sufinansiranja rekonstrukcije i opremanja sportskih objekata na području Tuzlanskog kantona u cilju ostvarivanja javnog interesa u sportu kroz podsticanje i obezbjeđenje uslova za obavljanje i razvoj sportskih djelatnosti.
- (6) Sredstva iz člana 2. stav (6) ove Odluke namijenjena su za nabavku softvera za uspostavu baze podataka svih registrovanih pravnih i fizičkih lica u oblasti sporta na području Tuzlanskog kantona i za izradu Strategije razvoja sporta Tuzlanskog kantona.

Član 5. (Uslovi)

- (1) Prilikom kandidovanja svojih programa/projekata sportske organizacije iz člana 2. stav (3) i stav (4) ove Odluke moraju ispunjavati sljedeće uslove:
- a) da imaju sjedište u Tuzlanskom kantonu,
 - b) da su registrovane u skladu sa zakonom i da obavljaju djelatnost najmanje jednu godinu,

- c) da su izmirile svoje obaveze po osnovu poreza i obaveznih doprinosa ili imaju zaključen sporazum o odgođenom plaćanju sa nadležnom poreskom upravom, koji se izvršava na način utvrđen tim sporazumom,
 - d) da imaju aktivan transakcijski račun u banci,
 - e) da se na lica ovlaštena za zastupanje ne odnosi član 66. Zakona o sportu,
 - f) da su opravdale namjenski utrošak ranije dodjeljenih sredstava od Ministarstva u skladu sa potpisanim ugovorima i odlukama,
 - g) da za predloženi program/projekat nisu dobili sredstva sa drugih budžetskih pozicija Budžeta Tuzlanskog kantona u 2023. godini,
 - h) da se projekat realizuje u 2023. godini, s tim da se manifestacije Izбора sportiste za 2023. godinu mogu održati najkasnije do kraja januara 2024. godine,
 - i) da se programi/projekti sportskih organizacija koje se takmiče u ligaškom i/ili kup sistemu takmičenja odnose na proljetnu polusezonu 2022/2023. godinu i/ili jesenju polusezonu 2023/2024. godinu,
 - j) Sportske organizacije koje se ubrajaju u vrhunski ili kvalitetni sport (uključujući samo učesnike najvišeg ranga takmičenja na nivou Bosne i Hercegovine) mogu kandidovati dva projekta/programa za dodjelu sredstava s tim da se jedan od projekata/programa odnosi na vrhunski ili kvalitetni sport, a drugi na omladinske uzrasne kategorije ili sport za sve. Ostale sportske organizacije mogu kandidovati samo jedan projekat. Projekti za sportske manifestacije dozvoljavaju se svim sportskim organizacijama uz ostale projekte koje su kandidovali, izuzev sportskih saveza, kao dodatni projekat.
- (2) Izuzetno, sredstva se mogu dodjeliti sportskim organizacijama iz člana 2. stav (3) ove Odluke sa sjedištem van područja Tuzlanskog kantona, koje su registrovane na teritoriji Bosne i Hercegovine, ako se radi o programima/projektima od interesa za Tuzlanski kanton, što će se cijeliti u svakom konkretnom slučaju.
- (3) Prilikom kandidovanja projekata iz člana 4. stav (5) ove Odluke jedinice lokalne samouprave, javne ustanove i preduzeća iz oblasti sporta, sportski klubovi i sportski klubovi lica sa invaliditetom moraju ispunjavati sljedeće uslove:
- a) da imaju sjedište u Tuzlanskom kantonu,
 - b) da su registrovane u skladu sa zakonom i da obavljaju djelatnost najmanje jednu godinu,
 - c) da su izmirile svoje obaveze po osnovu poreza i obaveznih doprinosa ili imaju zaključen sporazum o odgođenom plaćanju sa nadležnom poreskom upravom, koji se izvršava na način utvrđen tim sporazumom, izuzeće su jedinice lokalne samouprave,
 - d) da imaju aktivan transakcijski račun u banci,
 - e) da su opravdale namjenski utrošak ranije dodjeljenih sredstava od Ministarstva u skladu sa potpisanim ugovorima i odlukama,
 - f) da se sredstva ne odnose na iste namjene u okviru radova koji se sufinansiraju iz ranije dodijeljenih sredstava iz Budžeta Tuzlanskog kantona i sa drugih budžetskih pozicija Budžeta Tuzlanskog kantona za 2023. godinu,
 - g) da će se projekat realizovati najkasnije do kraja 2025. godine,
 - h) da su kandidovali jedan (1) projekat koji se realizuje na području Tuzlanskog kantona,
 - i) da je sportski objekat u vlasništvu aplikanta ili da je vlasnik sportskog objekta aplikantu dao pravo upravljanja sportskim objektom i saglasnost za izvođenje planiranih radova na sportskom objektu,
 - j) da je za projekat osiguran dio sredstava iz drugih izvora finansiranja,
 - k) da za sportski objekat na kojem se vrše radovi posjeduje odobrenje za građenje,

- l) da nosilac projekta iz drugih izvora finansiranja snosi troškove izdavanja urbanističko – tehničke dokumentacije, izrade tehničke dokumentacije i izdavanja odobrenja za upotrebu.

Član 6.

(Kategorizacija sportova)

- (1) Rang sportskih grana određuje se tako što se razvrstavaju u kategorije i to:
- prva kategorija: fudbal, košarka, rukomet, odbojka, atletika, plivanje, tenis i gimnastika,
 - druga kategorija: futsal, biciklizam, stoni tenis, hrvanje, džudo, karate, sjedeća odbojka (paraolimpijski sport), košarka u kolicima (paraolimpijski sport), streljaštvo (paraolimpijski sport), atletika (specijalna olimpijada), plivanje (specijalna olimpijada),
 - treća kategorija: boks, kik boks, kuglanje, šah, sportski ribolov, streljaštvo, atletika (paraolimpijski sport), stoni tenis (specijalna olimpijada), košarka (specijalna olimpijada),
 - četvrta kategorija: basket 3x3, ragbi, skijanje, planinarstvo, bodi bilding i fitness, automobilizam, ju – jitsu, kung – fu – wu – shu, bilijar, triatlon,
 - peta kategorija: dizanje tegova, skateboarding, golf, aikido, sportski ples, podvodne aktivnosti i ostali sportovi.

Član 7.

(Kriteriji za vrednovanje programa/projekata)

- (1) Vrednovanje, odnosno sufinansiranje programa/projekata sportskih organizacija iz člana 2. stav (3) i stav (4) ove Odluke vrši se na sljedeći način:
- Vrhunski i kvalitetni sport** (vrednuju se i sufinansiraju takmičenja u okviru internacionalnih i državnih saveza članica IOC-a i Sport Accorda - GAISF u kolektivnim i pojedinačnim sportovima u seniorskoj kategoriji). Sufinansiraju se programi i projekti koji se odnose na:
 - Vrhunski sport** (kolektivni sportovi) vrednuje se seniorska konkurencija
 - pripreme i učešće klubova koji su kroz ligaška i KUP takmičenja Bosne i Hercegovine ostvarili plasman na zvanična međunarodna klupska takmičenjima.
 - Vrhunski sport** (pojedinačni sportovi) vrednuje se seniorska konkurencija
 - pripreme i učešće klubova na zvaničnim međunarodnim takmičenjima najvišeg ranga u organizaciji krovnih međunarodnih sportskih asocijacija.
 - Kvalitetni sport** (kolektivni sportovi) vrednuje se seniorska konkurencija
 - pripreme i učešće u prva dva najviša ranga takmičenja organizovanim na nivou BiH.
 - Kvalitetni sport** (pojedinačni sportovi) vrednuje se seniorska konkurencija
 - pripreme i učešće na pojedinačnom prvenstvu BiH ili drugom sličnom prvenstvu, koje osigurava plasman u reprezentaciju BiH (isključivo državna prvenstva i bodovni turniri za učešće u reprezentaciji).
 - Kandidovani programi/projekti iz člana 7. stava (1) tačka a) alineja 1) i alineja 3) ove Odluke (**kolektivni sportovi**) vrednuju se kroz kriterije date u Tabeli 1 – Kolektivni sportovi koji su opisno razrađeni od podtačke a. do l.:

Tabela 1 – Kolektivni sportovi

Sportska organizacija	a.Vrhunski sport	b.Kvalitetni sport	c.Rezultati protekle takmičarske sezone	d.Broj reprezentativaca	e.Broj selekcija (seniori, juniori, kadeti, pioniri)	f.Kategorizacija sporta (I i II kategorija)	g.Složenost sistema takmičenja	h.Dužina trajanja sezone (Liga-turnirski sistem)	i.Tradicija	j.Masovnost	k.Broj trenera sa odgovarajućom stručnom spremom	l.Kvalitet programa -projekta
Rasp on	0-20	0-20	0-15	0-10	0-10	0-20	0-10	0-10	0-5	0-10	0-15	0-10

1																		
2																		
3																		
4																		
5																		
6																		
7																		
8																		
9																		
10																		

a. Vrhunski sport boduje se:

- zvanična međunarodna takmičenja u organizaciji krovnih sportskih asocijacija na koja su se klubovi plasirali kroz ligaška takmičenja.....20 bodova
 - zvanična međunarodna takmičenja u organizaciji krovnih sportskih asocijacija na koja su se klubovi plasirali kroz KUP takmičenja.....15 bodova
 - ostala zvanična međunarodna klupska takmičenja10 bodova
- Napomena: Bodovi se ne mogu zbrajati.

b. Kvalitetni sport boduje se:

- Premijer liga BiH/najviši rang takmičenja.....20 bodova
 - KUP BiH10 bodova
 - Prva liga Federacije BiH5 bodova
- Napomena: Bodovi se ne mogu zbrajati.

c. Rezultati protekle takmičarske sezone boduju se prema sljedećoj tabeli:

Takmičenje		MP				P BIH				K BIH			F BIH		
Plasman		I	II	III/IV	ostalo	I	II	III/IV	ostalo	I	II	III	I	II	III
Kategorija	S	15	12	10	2-5	10	9	8	1-4	7	6	4	3	2	1
	J, K	5	4	3	1-2	5	4	3	1-2	3	2	1	-	-	-

Legenda: S - seniori, J - juniori, K - kadeti, MP – međunarodno ligaško takmičenje, PBiH – Premijer liga BiH/najviši rang takmičenja, KBiH - Kup BiH, F BiH – Prva liga federacije BiH

Napomena: Vrednuje se najbolji rezultat u svakom od ponuđenih nivoa takmičenja. Eventualno postignuti rezultati na Olimpijskim igrama, Svjetskom i Evropskom prvenstvu za člana kluba koji je nastupao na istim biti će posebno bodovani, s tim da maksimalan broj bodova po osnovu ovih rezultata ne može biti veći od 15. Bodovi se zbrajaju.

d. Broj reprezentativaca boduje se:

- broj članova u državnoj seniorskoj reprezentaciji 3 i više.....10 bodova
 - broj članova u državnoj seniorskoj reprezentaciji 2.....7 bodova
 - broj članova u državnoj seniorskoj reprezentaciji manji od 2.....6 bodova
 - mlađi seniori i juniorski reprezentativci 2 i više.....5 bodova
 - mlađi seniori i juniorski reprezentativci manji od 2.....3 boda
 - kadetski reprezentativci.....2 boda
- Napomena: Bodovi se ne mogu zbrajati.

e. Broj selekcija uključenih u redovna takmičenja boduje se:

- sportska organizacija koja ima 4 i više uzrasnih kategorija (seniorska, juniorska, kadetska i pionirska).....10 bodova
 - sportska organizacija koja ima 3 uzrasne kategorije (seniorska, juniorska i kadetska).....6 bodova
 - sportska organizacija koja ima manje od 3 uzrasne kategorije.....2 boda
- Napomena: U sportovima koji koriste drugi naziv kategorije (npr.mlađi kadeti) od ponuđenih vrednovanje će se raditi prema uzrasnoj dobi odnosno godinama starosti. Uzrasna kategorija „djeca“ se ne vrednuje. Kategorija mlađi seniori ili U-21 se ne smatra seniorima.

f. Kategorizacija sporta boduje se:

- sportovi u I kategoriji.....20 bodova
 - sportovi u II kategoriji.....10 bodova
- Napomena: sportovi iz ostalih kategorija ne ostvaruju bodove po ovom kriteriju

- g. Složenost sistema takmičenja boduje se:
- sport sa 3 ranga i više rangova10 bodova
 - sport sa 2 ranga.....8 bodova
 - sport sa 1 rangom.....5 bodova
 - sport koji ima turnirski sistem takmičenja.....3 boda
- h. Dužina trajanja sezone boduje se:
- liga.....10 bodova
 - turnirski sistem takmičenja.....5 bodova
- i. Tradicija boduje se:
- preko 50 godina postojanja.....5 bodova
 - od 21-50 godina postojanja.....3 boda
 - od 10-20 godina postojanja.....1 bod
- j. Masovnost boduje se broj aktivnih/registrovanih sportista kluba:
- preko 200 sportista.....10 bodova
 - od 151 do 200 sportista.....8 bodova
 - od 101 do 150 sportista.....6 bodova
 - od 81 do 100 sportista.....5 bodova
 - od 61 do 80 sportista.....3 boda
 - od 41 do 60 sportista.....2 boda
 - od 21 do 40 sportista.....1 bod
- k. Stručni sportski radnici boduje se broj stručnih osoba osposobljenih za rad u sportu prema članu 58. Zakona o sportu, koji sa sportskom organizacijom imaju zasnovan radni odnos u skladu sa Zakonom o radu:
- za svaku stručnu osobu osposobljenu za rad u sportu.....3 boda
- Napomena: Maksimalan broj bodova je 15.
- l. Kvalitet programa/projekta boduje se:
- komisija prema stručnoj procjeni ocjenjuje kvalitet projekta/programa u rasponu od.....1- 10 bodova
- 6) Kandidovani programi/projekti iz člana 7. stava (1) tačka a) alineja 2) i alineja 4) ove Odluke (**pojedinačni sportovi**) vrednuju se kroz kriterije date u Tabeli 2 – Pojedinačni sportovi koji su opisno razrađeni od podtačke a. do k.:

Tabela 2 – Pojedinačni sportovi

Sportska organizacija	a. Vrhunski sport	b. Kvalitetni sport	c. Rezultati protekle takmičarske sezone	d. Broj reprezentativaca	e. Broj selekcija (seniori, juniori, kadeti, pioniri)	f. Kategorizacija sporta (I i II kategorija)	g. Dužina trajanja sezone (Liga-turnirski sistem)	h. Tradicija	i. Masovnost	j. Broj trenera sa odgovarajućom stručnom spremom	k. Kvalitet programa -projekta
Raspon	0-20	0-10	0-15	0-10	0-10	0-20	0-10	0-5	0-10	0-15	0-10
1											
2											
3											
4											
5											
6											
7											
8											
9											
10											

- a. Vrhunski sport boduje se:
- zvanična međunarodna takmičenja najvišeg ranga u organizaciji krovnih sportskih asocijacija.....20 bodova
 - ostala zvanična međunarodna takmičenja.....10 bodova

Napomena: Bodovi se ne mogu zbrajati Pod zvaničnim međunarodnim takmičenjima podrazumijevaju se takmičenja koja se nalaze u kalendaru krovnih sportskih asocijacija i na kojima sportisti nastupaju ekipno ili pojedinačno kao predstavnici sportskog kluba.

b. Kvalitetni sport boduje se:

- zvanično državno seniorsko prvenstvo BiH.....10 bodova
- drugo zvanično prvenstvo koje osigurava plasman u reprezentaciju....5 bodova

Napomena: Bodovi se ne mogu zbrajati.

c. Rezultati protekle takmičarske sezone boduju se prema sljedećoj tabeli:

Takmičenje		OI				SP				EP i MP				MI			BP			PBih		
Plasman		I	II	III	ostalo	I	II	III	ostalo	I	II	III	ostalo	I	II	III	I	II	III	I	II	III
Kategorija	S	15	12	10	2-7	10	8	7	1-5	8	6	5	1-4	6	5	4	3	2	1	6	5	4
	J	5	4	3	1-2	5	4	3	1-2	4	3	2	1	3	2	1	-	-	-	3	2	1
	K																					

Legenda:

S - seniori, J - juniori, K - kadeti, OI-olimpijske igre i olimpijske igre mladih, SP-svjetsko prvenstvo, EP-evropsko prvenstvo, MP – međunarodno takmičenje najvišeg ranga, BP – balkansko prvenstvo, PBih – Prvenstvo BiH/najviši rang takmičenja.

Napomena: Vrednuje se najbolji rezultat u svakom od ponuđenih nivoa takmičenja. Izuzetno, Komisija može dodjeliti do 5 bodova više sportskoj organizaciji čiji takmičar je postavio novi državni rekord i koja je ostvarila više pojedinačnih rezultata u okviru više nivoa takmičenja koji se vrednuju. Bodovi se zbrajaju.

d. Broj reprezentativaca boduje se:

- broj članova u državnoj seniorskoj reprezentaciji 3 i više.....10 bodova
- broj članova u državnoj seniorskoj reprezentaciji 2.....7 bodova
- broj članova u državnoj seniorskoj reprezentaciji manji od 2.....6 bodova
- mlađi seniori i juniorski reprezentativci 2 i više.....5 bodova
- mlađi seniori i juniorski reprezentativci manji od 2.....3 boda
- kadetski reprezentativci.....2 boda

Napomena: Bodovi se ne mogu zbrajati.

e. Broj selekcija uključenih u redovna takmičenja boduje se:

- sportska organizacija koja ima 4 i više uzrasnih kategorija (seniorska, juniorska, kadetska i pionirska).....10 bodova
- sportska organizacija koja ima 3 uzrasne kategorije (seniorska, juniorska i kadetska).....6 bodova
- sportska organizacija koja ima manje od 3 uzrasne kategorije.....2 boda

Napomena: U sportovima koji koriste drugi naziv kategorije (npr.mlađi kadeti) od ponuđenih vrednovanje će se raditi prema uzrasnoj dobi odnosno godinama starosti. Uzrasna kategorija „djeca“ se ne vrednuje. Kategorija mlađi seniori ili U-21 se ne smatra seniorima.

f. Kategorizacija sporta boduje se:

- sportovi u I kategoriji.....20 bodova
- sportovi u II kategoriji.....10 bodova

Napomena: sportovi iz ostalih kategorija ne ostvaruju bodove po ovom kriteriju

g. Dužina trajanja sezone boduje se:

- liga.....10 bodova
- turnirski sistem takmičenja.....5 bodova

h. Tradicija boduje se:

- preko 50 godina postojanja.....5 bodova
- od 21-50 godina postojanja.....3 boda
- od 10-20 godina postojanja.....1 bod

i. Masovnost boduje se broj aktivnih/registrovanih sportista kluba:

- preko 100 sportista.....10 bodova
- od 81 do 100 sportista.....8 bodova
- od 61 do 80 sportista.....6 bodova
- od 41 do 60 sportista.....4 boda
- od 21 do 40 sportista.....3 boda
- od 10 do 20 sportista.....1 bod

- j. Stručni sportski radnici boduje se broj stručnih osoba osposobljenih za rad u sportu prema članu 58. Zakona o sportu koji sa sportskom organizacijom imaju zasnovan radni odnos u skladu sa Zakonom o radu:
- za svaku stručnu osobu osposobljenu za rad u sportu.....3 boda
Napomena: Maksimalan broj bodova je 15.
- k. Kvalitet programa/projekta boduje se:
- komisija prema stručnoj procjeni ocjenjuje
kvalitet projekta/programa u rasponu od.....1-10 bodova

b) **Omladinske uzrasne kategorije** (vrednuju se i sufinansiraju takmičenja u okviru internacionalnih i državnih saveza članica IOC-a i Sport Accorda - GAISF u kolektivnim i pojedinačnim sportovima u kategorijama mlađi seniori ili U-21, juniori, kadeti i pioniri koji imaju organizovane takmičarske oblike maksimalno do 5.000,00 KM). Sufinansiraju se projekti koji se odnose na:

- 1) Kolektivni sportovi
 - pripreme i učešće na zvaničnim međunarodnim takmičenjima u organizaciji krovnih sportskih asocijacija,
 - pripreme i učešće u najvišem rangu takmičenja organizovanom na nivou BiH,
 - učešće u zvaničnim omladinskim ligama organizovanim na nivou Kantona i Federacije od strane krovnih sportskih organizacija.
- 2) Pojedinačni sportovi
 - pripreme i učešće na zvaničnim međunarodnim takmičenjima u organizaciji krovnih sportskih asocijacija,
 - pripreme i učešće na pojedinačnom prvenstvu BiH ili drugom sličnom prvenstvu, koje osigurava plasman u reprezentaciju BiH,
- 3) Kandidovani programi/projekti iz člana 7. stava (1) tačke b) alineje 1) i 2) ove Odluke vrednovaće se na principu utvrđenom članom 7. stav (1), tačka a) alineje 5) i 6), na način da se ukupno ostvaren broj bodova za sportsku organizaciju umanjuje za 50%.

Napomena: uzrasna kategorija „djeca“ se ne vrednuje kroz projekat Omladinske uzrasne kategorije.

c) **Sport za lica sa invaliditetom**

Sufinansiraju se programi/projekti koji se odnose na:

- 1) Vrhunski sport (kolektivni sportovi)
 - pripreme i učešće klubova koji su kroz ligaška i KUP takmičenja Bosne i Hercegovine ostvarili plasman na zvanična međunarodna klupska takmičenjima,
 - pripreme i učešće klubova koji pripadaju specijalnoj olimpijadi, sportovima za gluha i nagluha lica, sportovima za slijepa i slabovidna lica koji su ostvarili plasman na zvanična međunarodna takmičenja najvišeg ranga u organizaciji krovnih sportskih asocijacija.
- 2) Vrhunski sport (pojedinačni sportovi)
 - pripreme i učešće klubova na zvaničnim međunarodnim takmičenjima najvišeg ranga u organizaciji krovnih međunarodnih sportskih asocijacija,
 - pripreme i učešće klubova koji pripadaju specijalnoj olimpijadi, sportovima za gluha i nagluha lica, sportovima za slijepa i slabovidna lica koji su ostvarili plasman na zvanična međunarodna takmičenja najvišeg ranga u organizaciji krovnih sportskih asocijacija.
- 3) Kvalitetni sport (kolektivni sportovi)
 - pripreme i učešće u prva dva najviša ranga takmičenja organizovanim na nivou BiH.
- 4) Kvalitetni sport (pojedinačni sportovi)

- pripreme i učešće na pojedinačnom prvenstvu BiH ili drugom sličnom prvenstvu koje osigurava plasman u reprezentaciju BiH.
- 5) Kandidovani programi/projekti iz člana 7. stava (1) tačke c) alineje 1) do 4) ove Odluke vrednovaće se na principu utvrđenom članom 7., stav (1), tačka a) alineje 5) i 6).
- d) **Sport za sve** (vrednuju se i sufinansiraju projekti koji se odnose na sportsku rekreaciju, sportski odgoj i obrazovanje i zdravstvenu zaštitu sportista). Sufinansiraju se programi i projekti u rasponu od 500,00 KM do 4.000,00 KM koji se odnose na:
- 1) **Sportska rekreacija**
 - tjelesne aktivnosti i sportske igre koje okupljaju veliki broj djece i omladine koji nemaju organizovane takmičarske oblike sufinansiraju se u rasponu od 1.000,00 KM do 2.000,00 KM,
 - tjelesne aktivnosti odraslih koje nemaju organizovane takmičarske oblike sufinansiraju se u rasponu od 1.000,00 KM do 1.500,00 KM.
 - 2) **Sportski odgoj i obrazovanje**
 - sportska edukacija mladih, školske i studentske omladine (sufinansiraju se projekti u rasponu od 500,00 KM do 1.000,00 KM),
 - edukacija stručnih lica (projekti sportskih saveza, klubova i drugih udruženja iz oblasti sporta koji organizuju edukacije stručnih lica sufinansiraju se u rasponu od 500,00 KM do 2.000,00 KM).
 - 3) **Male olimpijske igre**
 - organizacija zvaničnih školskih sportskih takmičenja i drugih vidova školskog sporta (projekti sportskih saveza organizovanih na nivou grada/općine, školskih sportskih društava i drugih sportskih organizacija koje prema odredbama Zakona o sportu mogu organizovati školska sportska takmičenja sufinansiraju se u rasponu od 1.000,00 KM do 4.000,00 KM za troškove prevoza učesnika, troškove hrane i pića za učesnike, troškovi sportske opreme za učesnike i maksimalno 20% troškova tehničke organizacije takmičenja),
 - 4) **Zdravstvena zaštita sportista**
 - obezbjeđenje i unapređivanje sistema zdravstvene zaštite vrhunskih, kvalitetnih i perspektivnih sportista.
 - 5) Kandidovani projekti iz člana 7. stav (1) tačka d) alineja 1) ove Odluke (**sportska rekreacija**) vrednuje se kroz sljedeće kriterije:
 - a. Kvalitet projekta boduje se:
 - komisija prema stručnoj procjeni ocjenjuje kvalitet projekta u rasponu od.....1-5 bodova
 - b. Stručni kadar za realizaciju projekta, boduje se broj stručnih osoba osposobljenih za rad u sportu prema članu 58. Zakona o sportu, koji sa sportskom organizacijom imaju zasnovan radni odnos u skladu sa Zakonom o radu::
 - za svaku stručnu osobu osposobljenu za rad u sportu.....3 boda

Napomena: Maksimalan broj bodova je 15.
 - c. Broj učesnika u realizaciji projekta boduje se:
 - više od 200 učesnika.....10 bodova
 - od 151 do 199 učesnika.....7 bodova
 - od 81 do 150 učesnika.....5 bodova
 - od 31 do 80 učesnika.....2 boda
 - d. Uspostavljenost sistema trenažnog procesa.....5 bodova
 - 6) Kandidovani projekti iz člana 7. stav (1) tačka d) alineja 2) ove Odluke (**sportski odgoj i obrazovanje**) vrednuju se kroz sljedeće kriterije:

- a. Kvalitet projekta boduje se:
 - komisija prema stručnoj procjeni ocjenjuje
 kvalitet projekta u rasponu od.....1-5 bodova
- b. Stručni kadar za realizaciju projekta, boduje se broj stručnih osoba osposobljenih za rad u sportu prema članu 58. Zakona o sportu koji sa sportskom organizacijom imaju zasnovan radni odnos u skladu sa Zakonom o radu
 - za svaku stručnu osobu osposobljenu za rad u sportu.....3 boda
 Napomena: Maksimalan broj bodova je 15.
- c. Broj učesnika u realizaciji projekta boduje se:
 - više od 100 učesnika.....10 bodova
 - od 51 do 100 učesnika.....6 bodova
 - od 21 do 50 učesnika.....3 boda
- d. Tradicija organizovanja edukacije boduje se:
 - duže od 10 godina.....5 bodova
 - od 5-9 godina.....2 boda
- e. Dužina trajanja programa/projekta/broj sati predviđen za sportsku edukaciju boduje se prema stručnoj procjeni komisije u rasponu od.....1- 3 boda
- f. Rezultati ostvareni u proteklom periodu realizacijom istih ili sličnih projekata boduje se prema stručnoj procjeni komisije.....1- 5 bodova
- 7) Kandidovani projekti iz člana 7. stav (1) tačka d) alineja 3) ove Odluke (**male olimpijske igre**) vrednuju se kroz sljedeće kriterije:
- a. Kvalitet projekta boduje se:
 - komisija prema stručnoj procjeni ocjenjuje
 kvalitet projekta u rasponu od.....1-5 bodova
- b. Stručni kadar za realizaciju projekta, boduje se broj stručnih osoba osposobljenih za rad u sportu prema članu 58. Zakona o sportu koji sa sportskom organizacijom imaju zasnovan radni odnos u skladu sa Zakonom o radu
 - za svaku stručnu osobu osposobljenu za rad u sportu.....3 boda
 Napomena: Maksimalan broj bodova je 15.
- c. Broj škola koje učestvuju u realizaciji projekta boduje se:
 - više od 15 škola.....10 bodova
 - od 10 do 15 škola.....6 bodova
 - od 5 do 9 škola.....3 boda
 - od 2 do 4 škole.....1 bod
- d. Broj učenika u realizaciji projekta boduje se
 - više od 200 učesnika.....10 bodova
 - od 151 do 200 učesnika.....7 bodova
 - od 101 do 150 učesnika.....5 boda
 - od 51 do 100 učesnika.....2 boda
 - od 31 do 50 učesnika.....1 bod
- 8) Kandidovani projekti iz člana 7. stav (1) tačka d) alineja 4) ove Odluke (**zdravstvena zaštita sportista**) vrednuju se kroz sljedeće kriterije:
- a. Kvalitet programa/projekta boduje se:
 - komisija prema stručnoj procjeni ocjenjuje
 kvalitet projekta/programa u rasponu od.....1-10 bodova

e) **Organizacija sportskih manifestacija**

Sufinansiraju se projekti u rasponu od 1.000,00 KM do 6.000,00 KM koji se odnose na:

- 1) Organizacija međunarodnih sportskih manifestacija koje se nalaze u kalendaru krovnih međunarodnih sportskih asocijacija (sufinansiraju se projekti u rasponu od 2.000,00 KM do 6.000,00 KM za troškove zakupa sportskog objekta, troškove službenih lica, troškovi smještaja gostujućih ekipa/takmičara i troškove nagrada za osvajače prvih, drugih i trećih/četvrtih mjesta koji mogu biti u vidu pehara/medalja ili novčanih nagrada, s tim da iznos za nagrade može iznositi maksimalno 50% iznosa sredstava koja se dodjeljuju),
- 2) Organizacija sportskih manifestacija od kantonalnog značaja (sufinansiraju se projekti u rasponu od 1.000,00 KM do 3.000,00 KM za troškove zakupa sportskog objekta, troškove službenih lica, troškovi gostujućih ekipa/takmičara i troškove nagrada za osvajače prvih, drugih i trećih/četvrtih mjesta koji mogu biti u vidu pehara/medalja ili novčanih nagrada, s tim da iznos za nagrade može iznositi maksimalno 50% iznosa sredstava koja se dodjeljuju),
- 3) Organizacija nacionalnih sportskih manifestacija sa dugom tradicijom ili masovnog karaktera (sufinansiraju se projekti u rasponu od 1.000,00 KM do 1.500,00 KM za troškove zakupa sportskog objekta, troškove službenih lica i troškove nagrada za prva, druga i treća/četvrta mjesta koja mogu biti u vidu pehara/medalja ili sportske opreme).
- 4) Kandidovani projekti iz člana 7. stava (1) tačke e) alineje 1), 2) i 3) ove Odluke vrednuju se kroz sljedeće kriterije:

a. Kvalitet projekta boduje se:

- komisija prema stručnoj procjeni ocjenjuje
kvalitet projekta/programa u rasponu od.....1-5 bodova

b. Status sportske manifestacije boduje se.

- međunarodna.....20 bodova
- od kantonalnog značaja.....10 bodova
- sa dugom tradicijom ili masovnog karaktera.....5 bodova

Napomena: Komisija za raspodjelu sredstava će utvrđivati status manifestacije

c. Broj država koje učestvuju (za međunarodnu manifestaciju) boduje se:

- više od 10 (za pojedinačne sportove).....10 bodova
- više od 4 (za kolektivne sportove).....10 bodova
- od 5-10 (za pojedinačne sportove).....5 bodova
- od 2-4 (za kolektivne sportove).....5 bodova

d. Broj takmičara boduje se:

- preko 200 takmičara.....10 bodova
- od 151-200 takmičara.....8 bodova
- od 101-150 takmičara.....6 bodova
- od 51-100 takmičara.....5 bodova
- od 31-50 takmičara.....4 boda
- od 15-30 takmičara.....2 boda

Napomena: Izuzetno, komisija može na osnovu određenih specifičnosti kod pojedinih sportova (npr.gimnastika, džudo i slično) čija takmičenja ne broje veliki broj takmičara prema stručnoj procjeni povećati broj bodova najviše za 2.

e. Tradicija organizovanja sportske manifestacije, boduje se:

- duže od 20 godina.....10 bodova
- od 15-20 godina.....7 bodova
- od 10-14 godina.....5 bodova
- od 5-9 godina.....3 boda

f) **Sufinansiranje obavljanja sportske djelatnosti granskih sportskih saveza i granskih sportskih saveza lica sa invaliditetom Kantona.**

Sufinansiraju se programi granskih sportskih saveza Kantona u rasponu od 1.000,00 KM do 7.000,00 KM koji se odnose na:

- 1) organizaciju i sprovođenje ligaškog i turnirskog takmičenja na nivou Kantona, a odnose se na troškove organizacije i provođenja takmičenja na nivou Kantona i troškova rada kancelarije saveza ukoliko je taj savez jedini korisnik prostorija za čije korištenje se troškovi potražuju,
- 2) Kandidovani projekti iz člana 7., stav (1), tačka f) alineja 1) vrednuju se kroz sljedeće kriterije:
 - a. Kvalitet projekta boduje se:
 - komisija prema stručnoj procjeni ocjenjuje kvalitet projekta/programa u rasponu od.....1-5 bodova
 - b. Broj takmičara u kolektivnim sportovima (za organizaciju ligaškog/turnirskog takmičenja).....1-5 bodova
 - c. Broj takmičara u pojedinačnim sportovima (za organizaciju ligaškog/turnirskog takmičenja).....1-5 bodova
 - d. Broj ekipa koje učestvuju u takmičenju (kolektivni sportovi).....1-5 bodova
 - e. Broj ekipa koje učestvuju u takmičenju (pojedinačni sportovi).....1-5 bodova
 - f. Kategorizacija sporta
 - sportovi u I kategoriji.....20 bodova
 - sportovi u II kategoriji.....10 bodova
 - g. Dužina trajanja sezone boduje se:
 - liga.....30 bodova
 - turnirski sistem takmičenja.....10 bodova

g) **Pružanje usluga korištenja objekata na ime trenažnog procesa u oblasti sporta**

Sufinansiraju se programi/projekti javnih ustanova iz člana 2. stav (3) tačka g) i javnih preduzeća iz člana 2. stav (4) koji se odnose na:

- 1) Pružanje usluga korištenja objekata na ime trenažnog procesa sportskim pravnim licima u kolektivnim sportovima, koji se takmiče u prva dva najviša ranga takmičenja na nivou BiH
- 2) Kandidovani programi/projekti iz člana 7. stav (1) tačka g) alineja 1) ove Odluke vrednuju se kroz sljedeće kriterije:
 - a. Kvalitet programa/projekta boduje se:
 - komisija prema stručnoj procjeni uzimajući u obzir rang takmičenja u kojem se takmiči sportsko pravno lice kojem se sufinansiraju troškovi trenažnog procesa, rezultati koje je sportsko pravno lice ostvarilo u protekloj takmičarskoj sezoni, složenost sistema takmičenja u kojem se takmiči sportsko pravno lice kojem se sufinansiraju troškovi trenažnog procesa, ocjenjuje kvalitet programa/projekta u rasponu od.....1-5 bodova
 - b. broj sati trenažnog procesa koji se pruža klubovima iz prva dva ranga takmičenja na nivou BiH.....1-15 bodova
 - c. broj klubova koji koriste usluge trenažnog procesa a koji se takmiče u prva dva ranga takmičenja na nivou BiH.....1-15 bodova
 - d. sufinansiranje dijela troškova trenažnog procesa obezbjeđeno iz drugih izvora finansiranja (iz budžeta grada/općine, iz vlastitih prihoda, iz sredstava korisnika koji obavljaju trenažni proces i slično).....1-5 bodova

(2) Vrednovanje, odnosno sufinansiranje projekata namijenjenih za rekonstrukciju i opremanje sportskih objekata na području Tuzlanskog kantona iz člana 4. stav (5) ove Odluke vrši se na sljedeći način:

- a) **Projekti rekonstrukcije postojećih sportskih objekata** – vrednuju se i sufinansiraju projekti rekonstrukcije, adaptacije, sanacije i redovnog održavanja sportskih objekata koji se odnose na projekte lokalnih zajednica, projekte javnih ustanova i javnih preduzeća, projekte sportskih klubova i projekte sportskih klubova lica sa invaliditetom.
- b) **Projekti opremanja sportskih objekata** – vrednuju se i sufinansiraju projekti koji se odnose na nabavku opreme koja se ugrađuje u sportski objekat i sa njim čini funkcionalnu tehničko-tehnološku cjelinu.
- c) **Kandidovani projekti iz člana 7. stav (2) tačke a) i b) vrednuju se kroz sljedeće kriterije:**
 - a. Kvalitet projekta
 - komisija prema stručnoj procjeni ocjenjuje kvalitet projekta (predmjer i predračun radova) u rasponu od.....1-10 bodova
 - b. Kvalitet budžeta projekta
 - obezbjeđena finansijska sredstva iz drugih izvora finansiranja i realan plan osiguranja sredstava za realizaciju projekta.....10 bodova
 - c. Stanje objekta i neophodnost radova komisija procjenjuje iz dostavljene dokumentacije
 - rekonstrukcija objekta.....0-10 bodova
 - opremanje objekta.....0-5 bodova
 - d. Značaj sportskog objekta za razvoj sporta i stvaranje uslova za sportske aktivnosti i vrhunski sport ocjenjuje komisija prema dostavljenim podacima i dokazima
 - veličina objekta, prostor za odvijanje trenažnog procesa, prostor za gledaoce, zagrijavanje sportskog objekta, postojeće stanje objekta ocjenjuje se u rasponu od.....0-10 bodova
 - mogućnost organizovanja sportskih takmičenja (međunarodna takmičenja, državna takmičenja, federalna takmičenja, kantonalna takmičenja, lokalna takmičenja).....0-10 bodova
 - svrha korištenja objekta (edukacija, uvođenje novih sportskih aktivnosti, poboljšanje uslova treniranja i natjecanja, usavršavanje sportskih aktivnosti za ostvarivanje vrhunskih sportskih rezultata).....0-10 bodova
 - iskorištenost kapaciteta objekta (broj sportskih organizacija i broj korisnika koje su korisnici sportskog objekta).....0-10 bodova
 - objekat u javnoj svojini.....10 bodova

Član 8.

(Postupak raspodjele sredstava)

- (1) Raspodjela sredstava sa ekonomskog koda 613900 – Ugovorene i druge posebne usluge u iznosu od 25.000,00 KM, dodjeljivati će se dobavljačima koji će pružati ugovorene i druge posebne usluge po postupku javne nabavke koje provodi Ministarstvo i članovima Savjeta za sport u skladu sa važećim propisima.
- (2) Raspodjela sredstava sa ekonomskog koda 821500 - Nabavka stalnih sredstava u obliku prava u iznosu od 20.000,00 KM, dodjeljivati će se dobavljačima sa kojima će po postupku javne nabavke koju provodi Ministarstvo biti potpisani ugovori.
- (3) Raspodjela sredstava sa ekonomskog koda 614200 - Tekući transferi pojedincima u iznosu od 110.000,00 KM, raspoređivati će se na sljedeći način:

- a) Dio sredstava namijenjen za stipendije za ostvarene zapažene ili perspektivne ili sportske rezultate specijalne olimpijade dodjeljivati će se putem Javnog poziva za dodjelu sportskih stipendija za 2023. godinu (u daljem tekstu: Javni poziv za stipendije),
- b) Dio sredstava namijenjen za stipendije za ostvarene studentske i školske sportske rezultate dodjeljivati će se na osnovu kriterija za dodjelu nagrade i stipendije u sportu Tuzlanskog kantona. Odluku o odobravanju finansijskih sredstava za ostvarene studentske i školske sportske rezultate donosi Ministarstvo na koju saglasnost daje Vlada Tuzlanskog kantona (u daljem tekstu: Vlada Kantona),
- c) Dio sredstava namijenjen za nagrade sportistima dodjeljivati će se posebnim odlukama Vlade Kantona na prijedlog Ministarstva. Na osnovu posebne Odluke Vlade Kantona Ministarstvo donosi Odluku o odobravanju finansijskih sredstava za dodjelu sportske nagrade.
- (4) Raspodjela dijela sredstava sa ekonomskog koda 614300 - Tekući transferi neprofitnim organizacijama u iznosu od 600.000,00 KM i sredstava sa ekonomskog koda 614400 - Subvencije javnim preduzećima u iznosu od 100.000,00 KM, raspoređivati će se putem Javnog poziva za sufinansiranje projekata/programa sportskih organizacija u oblasti tjelesne kulture i sporta (u daljem tekstu: Javni poziv za sport).
- (5) Dio sredstava iz stava (4) ovog člana u dijelu koji se odnosi na ekonomski kod 614300 – Tekući transferi neprofitnim organizacijama raspoređivati će se na način da će se najmanje 30.000,00 KM dodjeljivati ustanovama iz člana 2. stav (3) tačka g), a preostali dio će se dodjeljivati ostalim sportskim organizacijama iz člana 2. stav (3). U slučaju da ne bude dovoljan broj aplikacija za dodjelu sredstava ustanovama iz člana 2. stav (3) tačka g) sredstva se mogu rasporediti u iznosu manjem od 30.000,00 KM, s tim da je najmanji iznos koji se može dodjeliti ustanovi 4.000,00 KM. Eventualno neraspoređeni dio sredstava se može rasporediti za druge namjene definisane u Javnom pozivu za sport.
- (6) Sredstva planirana za sufinansiranje programa i projekata sportskih organizacija iz stava (4) ovog člana koji se odnosi na ekonomski kod 614300 – Tekući transferi neprofitnim organizacijama, izuzev sredstava iz stava (5) ovog člana, raspodjeljuju se prema sportskim organizacijama, izraženo u procentualnim iznosima, na sljedeći način:
- a) Vrhunski i kvalitetni sport.....do 56%,
 1) kolektivni sportovimin. 55%,
 2) pojedinačni sportovimin 35%.
- b) Omladinske uzrasne kategorije.....do 11 %,
 1) kolektivni sportovimin. 55%,
 2) pojedinačni sportovimin 35%.
- c) Sport za lica sa invaliditetomdo 13%,
- d) Sport za sve, djelatnost granskih sportskih saveza i sportske manifestacije sufinansiraju se u rasponu od 500,00 KM do 7.000,00 KM, a odnose se na projekte i programe sportske rekreacije, sportskog odgoja i obrazovanja, zdravstvene zaštite sportista, programe granskih sportskih saveza i sportske manifestacijedo 20%, s tim da je moguće određeni procentualni iznos pod tačkom d) ovog stava preraspodjeliti za namjene navedene pod tačkom a) ovog stava, a eventualno neutrošena sredstva iz tačaka a), b), c) i d) mogu se raspodijeliti prema potrebama o čemu odlučuje Komisija za raspodjelu sredstava iz stava (11) ovog člana.
- (7) Javne pozive iz stava (3) tačka a) i stava (4) ovog člana raspisati će Ministarstvo i objaviti na web stranicama Vlade Kantona www.vladatk.gov.ba i Ministarstva www.mksmtk.gov.ba.
- (8) Dio sredstava sa ekonomskog koda 614300 - Tekući transferi neprofitnim organizacijama u iznosu od 140.000,00 KM dodjeljivati će se posebnim odlukama Ministarstva sportskim

organizacijama iz člana 2. stav (3) ove Odluke na osnovu zahtjeva sa detaljnim opisom projekta, a u skladu sa uslovima iz člana 5. stavovi (1) i (2).

(9) Dio sredstava sa ekonomskog koda 614300 - Tekući transferi neprofitnim organizacijama dodjeljivati će se Sportskom savezu Tuzlanskog kantona, Sportskom savezu lica sa invaliditetom Tuzlanskog kantona i Školskom sportskom savezu Tuzlanskog kantona posebnim odlukama Ministarstva, a na osnovu Uputstva o korištenju i utrošku dodjeljenih sredstava Sportskom savezu Tuzlanskog kantona, Sportskom savezu lica sa invaliditetom Tuzlanskog kantona i Školskom sportskom savezu Tuzlanskog kantona koje donosi Ministarstvo. Sredstva se raspoređuju na sljedeći način:

- a) Sportski savez Tuzlanskog kantona u iznosu do 80.000,00 KM,
- b) Sportski savez lica sa invaliditetom Tuzlanskog kantona u iznosu do 30.000,00 KM,
- c) Školskom sportskom savezu Tuzlanskog kantona u iznosu do 10.000,00 KM

(10) Postupak raspodjele sredstava po Javnom pozivu za stipendije iz stava (3) tačka a) ovog člana vršit će komisija za otvaranje, pregledanje, vrednovanje i odabir aplikacija kandidovanih od strane aplikanta po Javnom pozivu za stipendije (u daljem tekstu: Komisija za dodjelu sportskih stipendija) koju imenuje Ministarstvo, a koja će utvrditi blagovremenost, potpunost, vrednovanje i odabir prispjelih aplikacija u skladu sa ovom odlukom i kriterijima za dodjelu nagrade i stipendije.

- a) Komisija za dodjelu sportskih stipendija sastavljena je od 5 članova, i to 4 člana predstavnika Ministarstva, Sportskog saveza Tuzlanskog kantona i Sportskog saveza lica sa invaliditetom Tuzlanskog kantona i 1 člana iz reda istaknutih sportista, sportskih radnika i sportskih stručnjaka.
- b) U svom radu Komisija za dodjelu sportskih stipendija može, radi što objektivnijeg vrednovanja pojedinih aplikacija zatražiti konsultacije eksperata iz datih oblasti, dodatno pojašnjenje od strane aplikanta koji se prijavio te po potrebi izvršiti provjeru prispjelih prijavi posredno ili neposredno na licu mjesta.
- c) Komisija za dodjelu sportskih stipendija o svom radu sačinjava zapisnik i isti dostavlja Ministarstvu uz tabelarni prijedlog odabranih aplikanta za dodjelu sportskih stipendija, utvrđene iznose i namjene sredstava po Javnom pozivu.
- d) Na osnovu prijedloga Komisije iz tačke c) ovog stava Ministarstvo donosi odluku o odobravanju finansijskih sredstava korisnicima, iznosima i namjeni finansijskih sredstava na koju saglasnost daje Vlada Kantona.

(11) Postupak raspodjele sredstava iz stava (3) tačka b) ovog člana vršit će se na osnovu kriterija za dodjelu nagrade i stipendije u sportu Tuzlanskog kantona iz stava (3) tačka b) ovog člana.

(12) Postupak raspodjele sredstava po Javnom pozivu za sport iz stava (4) ovog člana vršit će:

- a) Komisija za otvaranje, pregledanje i vrednovanje aplikacija dostavljenih po Javnom pozivu za sufinansiranje projekata iz oblasti sporta (u daljem tekstu: Komisija za otvaranje, pregledanje i vrednovanje aplikacija), koju imenuje Ministarstvo. Komisija za otvaranje, pregledanje i vrednovanje aplikacija sastavljena je od 5 članova i to: 2 člana - predstavnika Ministarstva, 1 člana predstavnika Sportskog saveza Tuzlanskog kantona, 1 člana predstavnika Sportskog saveza lica sa invaliditetom Tuzlanskog kantona i 1 člana iz reda istaknutih sportista, sportskih radnika i sportskih stručnjaka, sa zadatkom da utvrdi blagovremenost i potpunost dostavljenih aplikacija po Javnom pozivu za sport, te da na osnovu kriterija utvrđenih ovom odlukom i dostavljene dokumentacije kojom aplikanti dokazuju ispunjavanje kriterija za vrednovanje programa/projekata izvrši vrednovanje (bodovanje), odabir projekata kandidovanih od strane sportskih organizacija, ustanova i javnih preduzeća, te prema ostvarenom broju bodova predlaže iznose za raspodjelu.
- b) Komisija o svom radu sačinjava zapisnik i dostavlja Ministarstvu prijedlog izbora korisnika, iznosa i namjene sredstava po Javnom pozivu za sport.

- c) Na osnovu prijedloga Komisije iz tačke b) ovog stava Ministarstvo donosi Odluku o odobravanju finansijskih sredstava korisnicima, iznosima i namjeni finansijskih sredstava po Javnom pozivu za sport na koju saglasnost daje Vlada Kantona.
 - d) Sa odabranim korisnicima sredstava iz tačke c) ovog stava Ministarstvo potpisuje pojedinačne ugovore kojima će se regulisati međusobna prava i obaveze, nakon čega se sredstva doznačavaju na transakcijski račun korisnika.
- (13) Raspodjela sredstava sa ekonomskog koda 615100- Kapitalni transferi drugim nivoima vlasti i fondovima u iznosu od 409.000,00 KM, sredstava sa ekonomskog koda 615300 - Kapitalni transferi neprofitnim organizacijama u iznosu od 200.000,00 KM i sredstava sa ekonomskog koda 615400 – Kapitalni transferi javnim preduzećima u iznosu od 150.000,00 KM, raspoređivati će se putem Javnog poziva za sufinansiranje projekata rekonstrukcije i opremanja sportskih objekata.
- (14) Javni poziv iz stava (13) ovog člana raspisati će Ministarstvo i objaviti na web stranicama Vlade Kantona www.vladatk.gov.ba i Ministarstva www.mksmtk.gov.ba.
- (15) Postupak raspodjele sredstava po Javnom pozivu iz stava (13) ovog člana vršit će Komisija za raspodjelu sredstava projekata sportske infrastrukture koju imenuje Ministarstvo, a koja će utvrditi blagovremenost, potpunost, vrednovanje i odabir prispjelih aplikacija u skladu sa ovom odlukom.
- a) Komisija za raspodjelu sredstava projekata sportske infrastrukture sastavljena je od 5 članova, i to 4 člana predstavnika Tuzlanskog kantona od kojih su dva člana građevinske ili arhitektonske struke, i jedan član iz reda istaknutih sportista ili sportskih radnika ili sportskih stručnjaka.
 - b) U svom radu Komisija za raspodjelu sredstava projekata sportske infrastrukture može, radi što objektivnijeg vrednovanja pojedinih aplikacija zatražiti konsultacije eksperata iz datih oblasti, dodatno pojašnjenje od strane aplikanta koji se prijavio te po potrebi izvršiti provjeru prispjelih prijave posredno ili neposredno na licu mjesta.
 - c) Komisija za raspodjelu sredstava projekata sportske infrastrukture o svom radu sačinjava zapisnik koji dostavlja Ministarstvu uz Listu nepotpunih i neblagovremenih, i blagovremenih i potpunih aplikacija. Lista nepotpunih i neblagovremenih aplikacija se objavljuje na stranici Ministarstva. Vrednovanje i odabir aplikacija vrši se na osnovu kriterija utvrđenih ovom odlukom i dostavljene dokumentacije kojom aplikanti dokazuju ispunjavanje kriterija za vrednovanje projekata, te prema ostvarenom broju bodova i u zavisnosti od namjene i vrste projekta predlaže iznose za raspodjelu.
 - d) Na osnovu prijedloga Komisije iz tačke c) ovog stava Ministarstvo donosi odluku o odobravanju finansijskih sredstava korisnicima, iznosima i namjeni finansijskih sredstava na koju saglasnost daje Vlada Kantona.
 - e) Sa odabranim korisnicima sredstava iz tačke d) ovog stava Ministarstvo potpisuje pojedinačne ugovore kojima će se regulisati međusobna prava i obaveze, nakon čega se sredstva doznačavaju na transakcijski račun korisnika.

Član 9.

(Objavljivanje rezultata Javnog poziva)

O rezultatima javnih poziva podnosioci prijava će biti obaviješteni putem web stranice Vlade Kantona www.vladatk.gov.ba i web stranice Ministarstva www.mksmtk.gov.ba

Član 10.

(Podnošenje izvještaja o namjenskom utrošku sredstava)

- (1) Korisnici sredstava iz člana 8. stav (12) tačka c) ove Odluke, dostavljaju Ministarstvu narativni i finansijski Izvještaj o namjenskom utrošku sredstava na način, u rokovima i u skladu sa ugovorom iz člana 8. stav (12) tačka d) ove Odluke.

- (2) U slučaju da u toku godine dođe do problema u realizaciji projekata za koji su dodjeljena finansijska sredstva, korisnik je o tome obavezan obavijestiti Ministarstvo i priložiti relevantne dokaze o nastaloj situaciji. Ministarstvo može nakon ocjene dostavljenih dokaza i izuzetno u okviru iste namjene projekta prihvatiti drugačiju specifikaciju troškova za navedeni projekat, ako za isti postoje opravdani razlozi. Ukoliko Ministarstvo ocijeni da razlozi nisu opravdani korisnik je dužan izvršiti povrat sredstava.
- (3) Ministar će nakon isteka roka za dostavljanje izvještaja iz stava (1) ovog člana imenovati komisiju koja će izvršiti kontrolu dostavljenih izvještaja i kontrolu utroška sredstava dodjeljenih korisnicima u skladu sa namjenama za koje su sredstva dodjeljena. Komisija je dužna nakon završenog posla sačiniti zapisnik sa tabelarnim pregledom korisnika koji su dostavili izvještaje i korisnika koji nisu dostavili izvještaje, odnosno koji su namjenski utrošili i koji nisu namjenski utrošili dodjeljena sredstva.
- (4) Korisnik za kojeg se utvrdi da nije postupio u skladu sa odredbom iz stava (1) ovog člana ne može ostvariti pravo na dodjelu sredstava za sufinansiranje programa/projekta iz Budžeta Tuzlanskog kantona.
- (5) Korisnici sredstava iz člana 8. stav (15) tačka d) ove Odluke, dostavljaju Ministarstvu narativni i finansijski Izvještaj o namjenskom utrošku sredstava na način, u rokovima i u skladu sa ugovorom iz člana 8. stav (15) tačka e) ove Odluke.
- (6) Ministarstvo će nakon isteka roka za dostavljanje izvještaja iz stava (5) ovog člana imenovati komisiju koja će izvršiti kontrolu dostavljenih izvještaja i kontrolu utroška sredstava dodjeljenih korisnicima u skladu sa namjenama za koje su sredstva dodjeljena. Komisija je dužna nakon završenog posla sačiniti zapisnik sa tabelarnim pregledom korisnika koji su dostavili izvještaje i korisnika koji nisu dostavili izvještaje, odnosno koji su namjenski utrošili i koji nisu namjenski utrošili dodjeljena sredstva.
- (7) Korisnik za kojeg se utvrdi da nije postupio u skladu sa odredbom iz stava (5) ovog člana ne može ostvariti pravo na dodjelu sredstava za sufinansiranje programa/projekta iz Budžeta Tuzlanskog kantona.

Član 11.

(Potrebna dokumentacija)

- (1) Sportske organizacije koje se prijavljuju na **Javni poziv za sufinansiranje programa/projekata sportskih organizacija** iz stava (4) člana 8. ove Odluke (u daljem tekstu: aplikant) obavezne su prilikom prijavljivanja dostaviti sljedeće:
 - a) popunjen aplikacijski obrazac za dodjelu sredstava po Javnom pozivu za sufinansiranje programa/projekata sportskih organizacija u oblasti tjelesne kulture i sporta za 2023. godinu, potpisan i ovjeren pečatom pravne osobe, sa izjavom o tačnosti svih podataka dostavljenih po prijavi na Javni poziv isključivo na propisanom aplikacijskom obrascu (original),
 - b) Aktuelni izvod iz registra u kome je aplikant registriran (udruženja dostavljaju izvod iz registra udruženja, a izvod iz registra nadležnog suda dostavljaju javne ustanove ili javna preduzeća), ne stariji od šest mjeseci od dana objave Javnog poziva (orginal ili ovjerena kopija),
 - c) Uvjerenje o poreskoj registraciji – identifikacioni broj (original ili ovjerena kopija),
 - d) Obavještenje o razvrstavanju – Klasifikacija djelatnosti (original ili ovjerena kopija). Ukoliko se iz Klasifikacije djelatnosti ne vidi da je aplikantu djelatnost sport neophodno je dostaviti ovjerenu kopiju rješenja iz kojeg se vidi da aplikant obavlja sportsku djelatnost,
 - e) Potvrda poslovne banke, u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave Javnog poziva (orginal ili ovjerena kopija).Za budžetske korisnike koji koriste depozitne račune potrebno je dostaviti potvrdu od nadležnog organa uprava na čije ime je otvoren depozitni račun, s brojem depozitnog

- računa i instrukcijom za plaćanje ne starija od tri mjeseca (original ili ovjerena kopija),
- f) Bilans stanja i bilans uspjeha za 2022. godinu sa vidljivim pečatom FIA ili potvrda sa pečatom FIA da nije bilo promjena na računu za registrovane u 2022. godini koji nisu predali bilans stanja i bilans uspjeha (original ili ovjerena kopija),
 - g) Program rada za 2023. godinu sa obrazloženjem,
 - h) Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH za aplikante koji imaju zaposlenike, aplikant koji nema zaposlenika dostavlja izjavu ovjerenu kod nadležnog organa da nema zaposlenih i da nema neizmirenih obaveza, ne starije od tri mjeseca od dana objave Javnog poziva (original ili ovjerena kopija),
 - i) Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana objave Javnog poziva (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu kod nadležnog organa (original ili ovjerena kopija),
 - j) Izjava lica ovlaštenih za predstavljanje i zastupanje, data pod punom materijalnom i krivičnom odgovornošću, da se na njih ne odnosi član 66. Zakona o sportu ovjerena od strane nadležnog organa za ovjeru, ne starija od 30 dana od dana objave Javnog poziva (original),
- (2) Sportske organizacije iz stava (1) ovog člana obavezne su prilikom prijavljivanja dostaviti i dokumentaciju kojom dokazuju ispunjavanje kriterija za vrednovanje (bodovanje) programa/projekata iz člana 7. ove Odluke, a koja je navedena u aplikacijskim obrascima u zavisnosti od namjene.
- (3) U prilogu ove Odluke i njen sastavni dio su aplikacijski obrasci propisani tačkom a) stavom (1) ovog člana koji će biti dostupni na web stranici Vlade Kantona www.vladatk.gov.ba i Ministarstva www.mksmtk.gov.ba, i to:
- Aplikacijski obrazac 1 - Vrhunski i kvalitetni sport – seniorska kategorija,
 - Aplikacijski obrazac 2 - Sport lica sa invaliditetom,
 - Aplikacijski obrazac 3 - Omladinske uzrasne kategorije – U-21/mlađi seniori, juniori, kadeti i pioniri,
 - Aplikacijski obrazac 4 - Sport za sve,
 - Aplikacijski obrazac 5 - Sportske manifestacije,
 - Aplikacijski obrazac 6 - Djelatnost granskih sportskih saveza i granskih sportskih saveza lica sa invaliditetom kantona, i
 - Aplikacijski obrazac 7 - Pružanje usluga korištenja objekata na ime trenajnog procesa.
- (4) Sportske organizacije koje se prijavljuju na Javni poziv za sufinansiranje programa/projekata sportskih organizacija a koje imaju zaključen Sporazum o odgođenom plaćanju sa nadležnom poreskom upravom, dužne su prilikom kandidovanja programa/projekta dostaviti ovjerenu kopiju zaključenog Sporazuma o odgođenom plaćanju, te odgovarajuće dokaze o izvršavanju Sporazuma na način kako je to istim utvrđeno.
- (5) Dokumentacija potrebna za apliciranje na Javni poziv za stipendije propisana je kriterijima za dodjelu nagrade i stipendije iz člana 8. stava (3) tačka b) ove odluke.
- (6) Aplikanti koji se prijavljuju na **Javni poziv za sufinansiranje projekata rekonstrukcije i opremanja sportskih objekata** iz člana 8. stava (12) ove Odluke (u daljem tekstu: aplikant) obavezni su prilikom prijavljivanja dostaviti sljedeće:
- a) Popunjen aplikacijski obrazac za dodjelu sredstava po Javnom pozivu za sufinansiranje projekata rekonstrukcije i opremanja sportskih objekata za 2023. godinu, potpisan i ovjeren pečatom pravne osobe, sa izjavom o tačnosti svih podataka dostavljenih po prijavi na Javni poziv isključivo na propisanom aplikacijskom obrascu (original),

- b) Aktuelni izvod iz registra u kome je aplikant registriran (udruženja dostavljaju izvod iz registra udruženja, a izvod iz registra nadležnog suda dostavljaju javne ustanove ili javna preduzeća), ne stariji od šest mjeseci od dana objave Javnog poziva (orginal ili ovjerena kopija). Jedinice lokalne samouprave su izuzete od dostavljanja aktuelnog izvoda iz registra,
 - c) Uvjerenje o poreskoj registraciji – identifikacioni broj (original ili ovjerena kopija),
 - d) Obavještenje o razvrstavanju – Klasifikacija djelatnosti (original ili ovjerena kopija). Javne ustanove, javna preduzeća iz oblasti sporta i klubovi imaju obavezu da ukoliko se iz Klasifikacije djelatnosti ne vidi da aplikant obavlja sportsku djelatnost dostave ovjerenu kopiju rješenja iz kojeg se vidi da aplikant obavlja sportsku djelatnost,
 - e) Potvrda poslovne banke, u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave Javnog poziva (orginal ili ovjerena kopija).
Za budžetske korisnike koji koriste depozitne račune potrebno je dostaviti potvrdu od nadležnog organa uprava na čije ime je otvoren depozitni račun, s brojem depozitnog računa i instrukcijom za plaćanje ne starija od tri mjeseca (original ili ovjerena kopija),
 - f) Bilans stanja i bilans uspjeha za 2022. godinu sa vidljivim pečatom FIA ili potvrda sa pečatom FIA da nije bilo promjena na računu za registrovane u 2022. godini koji nisu predali bilans stanja i bilans uspjeha (original ili ovjerena kopija). Jedinice lokalne samouprave dostavljaju odgovarajuće bilanse propisane za jedinice lokalne samouprave,
 - g) Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH za aplikante koji imaju zaposlenike, aplikant koji nema zaposlenika dostavlja izjavu ovjerenu kod nadležnog organa da nema zaposlenih i da nema neizmirenih obaveza, ne starije od tri mjeseca od dana objave Javnog poziva prijave (original ili ovjerena kopija). Jedinice lokalne samouprave su izuzete dostavljanja ovog uvjerenja,
 - h) Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana objave Javnog poziva (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu kod nadležnog organa (original ili ovjerena kopija). Jedinice lokalne samouprave su izuzete dostavljanja ovog uvjerenja,
- (7) Aplikanti iz stava (6) ovog člana obavezni su prilikom prijavljivanja dostaviti i dokumentaciju kojom dokazuju ispunjavanje ostalih uslova i kriterija za vrednovanje (bodovanje) projekata iz člana 8. stav (2) ove Odluke, a to su:
- a) Dokaz o vlasništvu sportskog objekta (original ili ovjerena kopija ne starija od 3 mjeseca od dana objave Javnog poziva),
 - b) Ukoliko aplikant nije vlasnik sportskog objekta dostavlja, pored dokaza iz tačke a) ovog stava, i dokaz da mu je vlasnik dao pravo upravljanja sportskim objektom i saglasnost za izvođenje planiranih radova na sportskom objektu, (original ili ovjerena kopija ne starija od 3 mjeseca od dana objave Javnog poziva)
 - c) Izjava da u momentu podnošenja prijave nema zakonskih smetnji za izvođenje navedenih radova (ovjerena od nadležnog organa za ovjeru),
 - d) Potvrda ili izjava da je u momentu podnošenja prijave osiguran dio sredstava iz drugih izvora za realiziranje navedenog projekta sa navedenim iznosom i namjenama (ovjerena od strane nadležnog organa za ovjeru),
 - e) Izjava da se sredstva koja se traže od Ministarstva za kulturu, sport i mlade u 2023. godini ne odnose na iste namjene u okviru radova koji se sufinansiraju iz ranije dodijeljenih sredstava iz Budžeta Tuzlanskog kantona i sa drugih budžetskih pozicija Budžeta Tuzlanskog kantona za 2023. godinu (ovjerena od strane nadležnog organa za ovjeru),

- f) Za postojeći sportski objekat na kojem se vrše radovi dostavlja se odobrenje za građenje izdato od nadležnog organa za prostorno uređenje (original ili ovjerena kopija ne starija od 3 mjeseca od dana objave Javnog poziva),
 - g) Za planirane radove dostavlja se predmjer i predračun radova (original ili ovjerena kopija),
 - h) Izjava da će se nakon okončanja radova odnosno krajnjeg roka za realizaciju projekta, Ministarstvu dostaviti odobrenje za građenje radova po projektu i upotrebna dozvola (ovjerena od nadležnog organa za ovjeru). U slučaju da se planirani radovi smatraju tekućim održavanjem potrebno je dostaviti izjavu da će se nakon okončanja radova odnosno krajnjeg roka za realizaciju projekta dostaviti odgovarajući akt nadležnog organa (nadležne službe) da se radi o radovima koji se smatraju tekućim održavanjem i za koje nije potrebno odobrenje za građenje (ovjerena od nadležnog organa za ovjeru),
 - i) Dokaz iskorištenosti kapaciteta objekta sa brojem sportskih organizacija i brojem korisnika iz oblasti sporta i ostalih korisnika koji koriste objekat (izjava ovjerena od nadležnog organa za ovjeru).
- (8) U prilogu ove Odluke i njen sastavni dio je aplikacijski obrazac propisan tačkom a) stavom (6) ovog člana koji će biti dostupan na web stranici Vlade Kantona www.vladatk.gov.ba i Ministarstva www.mksmtk.gov.ba, i to:
- Aplikacijski obrazac 8 – Rekonstrukcija i opremanje sportskih objekata.
- (9) Aplikanti koji se prijavljuju na Javni poziv za sufinansiranje projekata rekonstrukcije i opremanja sportskih objekata a koje imaju zaključen Sporazum o odgođenom plaćanju sa nadležnom poreskom upravom, dužne su prilikom kandidovanja projekta dostaviti ovjerenu kopiju zaključenog Sporazuma o odgođenom plaćanju, te odgovarajuće dokaze o izvršavanju Sporazuma na način kako je to istim utvrđeno.

Član 12.

(Preraspodjela neutrošenog iznosa)

U slučaju da se ne utroše predviđena sredstva po pojedinim namjenama iz člana 4. ove Odluke, neutrošeni iznos se može preraspodijeliti za druge namjene utvrđene članom 4. ove Odluke, za koje predviđena sredstva eventualno ne budu dovoljna.

Član 13.

(Nedostatak sredstava)

U slučaju nedostatka sredstava u Budžetu Tuzlanskog kantona za 2023. godinu obustavlja se realizacija dodjele sredstava u potpunosti ili djelimično, srazmjerno nedostajućim sredstvima, izuzev sredstava iz člana 8., stav (3), tačka b) ove Odluke.

Član 14.

(Stupanje na snagu)

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-36-10983 - 1/23
Tuzla, 18.05.2023. godine



PREMIJER KANTONA

Irfan Halilagić